



Ad Wënd maaname ti yaa tilae ti b maneg n tug bũmb fãa gilli

Yii a Sadaad [bn Aws nengẽ -Wënd yard be a yĩnga- a yeelame: Wënd Tẽn-tuuma -Wënd puusg la A tilgr be a yĩnga- yeelame-: «Ad Wënd maaname ti yaa tilae ti b maneg n tug bũmb fãa gilli, rënd yãmb sã n na n ku, bi y maneg y kuubã, y sã n na n kodge, bi y maneg y kodgrã, la ned fãa saas a suuga la a pems a rũn-koaata».

[Naşun Şahuhun (Gom-sikdem sẽn manege)] [A Muslim n togs-a]

Nabiyaama -Wënd puusg la A tilgr be a yĩnga- kõta kibare ti Wënd -A Naam zẽkame- A maaname ti manegrã yaa tilae n rog tõnd zug yelã pugẽ, la manegr me yaa: Wënd gũusgu wakat fãa, A tũudmã pugẽ, la sõma maanegẽ, la yõk f nang n yi bõn-naandsã, la sẽn be rẽ pugẽ yaa manegre kuubẽ wã la kodgrẽ wã. Rënd manegrã kuubẽ wã ti sã n wa yaa dĩina maan-n-dolga: yaa tũus sor sẽn yaa nana n yuda, la sẽn tuul n yuda. La manegrã kodgrẽ wã: yaa b maan bug-bug ne rũngã ne b sẽn na n saas suugã, la b ra saasd-a rũngã taoor t'a getẽ ye, la b ra kodg-a ti rũms a taab be beenẽ n getẽ ye.

<https://sunnah.global/hadeeth/mos/show/4319>

